

八瓊室金石補正續編

唐二十

左神威大將軍焦統斷碑

存上半截高二尺九寸七分廣二尺九寸二分
存二十一行行二十二三字字徑一寸行書

唐故雲麾將軍守左神威大將軍知軍事兼御史大缺下

從弟登仕郎京兆府涇陽縣尉郁缺下

國

天列將星所以資警衛也

國寵武臣所以威暴亂

缺下牙是任生死以之亦何代無其人矣

公諱統字

世因氏焉缺下爾後祚土分榮承家繼祉儒林著傳外黃究陰

陽之缺下刺史子孫因家于高平

曾祖誨以孝廉登科

終衢州缺下父伯瑜開府儀同三司檢校右散騎常侍兼右龍

武軍大將缺下長子也爰在童幼即便弓馬義勇自立果斷有

唐貞元十八年七月十九日

一

勇閫

謀以為書足缺下年十六河東節度平公始以將門子擢昇勇

爵洎河北附擾缺下列則掉鞅冒勇數闕示開引顏高之六鈞

復養由之一矢缺下第十一十

二行全缺

聖上有梁洋之蒐六軍之師中亦散潰公愍其部下為

缺下前射生左虞候加御史中丞進封高平郡王食邑二千戶

缺下宜署美名因改為左右神威軍累遷公充左神威大將

軍缺下寄以心腹有頃遷御史大夫依前知軍事方將備以

時缺下十八年二月廿八日寢疾薨于神威之軍舍

缺下十九日葬于咸陽原於戲以涪陵盛業肇啓于天寶

之末缺下四朝輝映冠於一代迎瞻往古鮮有其傳宜乎享以

寶

精字上下仙脫
一字

遐齡_{缺下}幽冥杳然孰知所問嗣子忻王府參軍岌次子雅王
府參_{缺下}未泥郁忝茲宗未實飲英猷承命為文庶表陵谷銘

日

允周孚靈輔

唐降精端肅雄毅寔生高平高平烈_{缺下}

王鑾與及正亦克衛

聖心腹內輸爪牙外靖_{缺下}

此從富尚有一二行拓紙洩
邊戡然兩止疑有所遺也

第一千六百五十六唐焦統碑從弟郁撰朱猷任行書貞

元十八年七月_{錄金石}

右焦統碑存上半截姓氏及立碑_年年月俱佚自宋以來

諸金石家惟趙錄載之撰文者從弟郁猶存其名書者

朱獻任繫銜當在撰人一行下令不可見矣焦君及其
祖父子嗣撰書人兩唐書皆無致堯以功封高平郡王
而德宗本紀亦未一見石係為人鑿斷又居中鑿陷兩
行許不知用作何物埋沒數百年今始復顯惜乎僅存
其半而猶幸德甫之曾著錄也不然誰復知為焦君哉
碑言河東節度辛公按兩書當是辛雲景其兼太原尹
節度河東在肅宗季年也堯是時始以將門子擢昇勇
爵年甫十六猶是而推其以貞元十八年薨年才五十
五六耳碑敘堯父伯瑜開府儀同三司檢校右散騎常
侍兼右龍武軍大將缺按職官志開元二十七年始改

左右翊衛為左右龍武軍知其服官在天寶^年間矣左
右神威軍本號殿前射生左右兩員元二年改殿前左
右射生軍三年四月改為左右神威軍置大將軍二員
正三品碑第十四行前射生上所缺知為殿字其左虞
候官名則史未詳也子及忻王府參軍次子雅王府參
軍二王皆代宗子

畢遊江墓誌銘

方一尺五寸二十一行行二十二三字字徑五分
行古在正定榮國寺今縣教縣地氏

唐故畢府君墓誌銘并序

諱

邃

晚寬

公諱遊江平陽王彥之後也世居太原豪族第一英材個儻
智謀深遠謙約節儉廉慎有規於家以孝有曾閔之心事君
以忠曉從橫之略寬而能猛猛而能寬接用友盡盛德之儀
理室家剛柔得中有仁人焉有社稷焉賢妻在室遠鑒於山
清令子理家更崇於幹盛公周之宗盟也絀世存茲王侯
之種遊宦不遂遂轉於茲降志屏身隱於城市焉得甘脆以
奉慈親日居月諸世餘載公之太夫人以貞元

十三年七月六日傾背公 禮制不虧大事終竟奉 親也
生事之以禮死葬之以禮祭之以禮可謂孝道全矣 公有
子二人長曰忠義次曰元清並有令聞皆 公之有典有則
也將以積善之人保受其福豈為降季末永罹此禍殃以貞
元十九年六月十四日壽終於恒府敬愛坊之私第也時年
將耳順深可哀哉里巷不歌 鄉隣歎息則其年七月一日歸
葬於府城西北七里冰河鄉之原也傾城出祖 編素盈途
塋者執拂而行赴吊者隨柩而哭白馬前引領步而悲鳴啼
鳥以臨向風而慘惻恐陵谷屢遷紀茲貞石用昭不朽聊述

德音詞曰

均低一格

樂只君子邦家之光日未月往身歿名彰松風切切野露蒼蒼昔作人中之寶今歸泉下之鄉

大唐貞元十九年七月一日

道光九年八月九日石出於白雀寺住持趙正方立本寺

行此

刻誌
石本

右墓誌銘無撰書人姓名道光九年石出正定府城西十里斜角頭白雀寺府志所謂斜角頭寺是也余守常山舉致郡縣今與隋唐諸碑並存崇因寺中志云公諱遊江平陽王彥之後也世居太原豪族第一案遊江及平陽王彥皆無可攷元和姓纂太原畢氏狀稱畢湛之後唐滁州刺

史畢誠生操

原志作
抄誤

操生正表正則正義正表生重華縣

州刺史生彥雄正義大理正當即遊江之族又李惟岳長
史畢華後事王武俊歷顯官未知是其親屬否又志云有
仁人焉有社稷焉仁人即人民古本論語此句作有人民
焉不作有民人焉梁書元帝紀大寶二年詔書所引可證
蓋唐諱民民字皆改為人而又嫌複舉人字故以仁代人
可訂宋以後論語本之誤又云遊宦不遂蓬轉於旅降志
辱身隱於城市則畢君乃一市井之徒耳可見唐人無墓
不志又志稱恆州為恆府州城為府城攷恆州係大都督
府唐人於諸州凡置都督府者多稱某某府唐碑中恆見

之冰河鄉方志不載元和郡縣志載恆州開元時有鄉八
十七元和鄉七十□其名皆佚此其一也

常山貞石志

審

婁山題名四種

貞元年
在永年

劉□海等題名

高二尺七寸餘廣一尺四寸五分
四行行字不一字後二寸餘正書

監察御史劉川海

邢州別駕楊審言

開州□□縣尉李仁同

登此

大唐貞元□□年九月廿八日

畿輔通志載王樹枏跋劉□海作劉荆海李仁同登

作李嘉同□登此六字九月上失載大唐字貞元字年

字廿八下有日字今就所得拓本審之劉下一字左旁

殊無开形李下一字左旁顯有一撇其形似仁又似金

唐貞元年

合右旁審視頗似鎮未可遽定然決非嘉也登下此字
及未行日字今拓本遺漏據以補之其大唐字元字拓
本頗明顯貞字亦望而可識唐下貞上空一字與同下
登上空一字皆避石泐而^{就一格}下者

郁久閭明達題名

一行長二尺十一字
字徑一寸七分正書

監軍判官濟陰郁久閭明達

紫魏書蠕蠕傳蠕蠕姓郁久閭氏郁久閭即木骨閭首禿
也后妃列傳有景穆恭皇后郁久閭氏而列傳又有閭毗
閭大肥皆蠕蠕人蓋郁久閭又可省稱閭也北齊有郁久
閭業碑見金石錄目舊唐書職官志節度使所屬判官二

人天寶後置此郁久間稱監軍判官則為唐人無疑蓋唐

時此姓猶有存者

王樹
枏跋

郝士美盧頊題名

在上刻之下高一尺七寸廣七寸餘三行字後二寸餘正書

侍御史魯國郝

士美 洛州刺史

范陽盧頊

集古錄目有禱聰明山記洛州刺史盧頊撰元和二年七月立記云頊謬職分符令逾一紀據此則刺洛之始在貞元十一二年宰相世系表載盧頊澤州刺史從其終官之年言也郝士美新舊唐書皆有傳高平金鄉人故稱魯國

其為侍御史傳皆不載以官階考之當在為坊州刺史之
先其由刺史擢至安黃節度傳載在貞元十八年則題石
在前數年可知

盧叶夢題名

高一尺餘廣六寸二行行
四字左行字徑三寸正書

虞士盧叶夢

婁山即狗山在永年縣西六十里有羣臣上醵漢刻此
唐題名四種在漢刻之東又有宋人題名一種

慧炬寺僧智力神道影堂紀德碑

高四尺二寸廣二尺八寸八分三十二行行四十九字至五十三字不等字徑七分正書在曲陽

唐恒嶽故禪師影堂紀德之碑

此并檢據碑文照字

唐北嶽慧炬寺達寺故禪師神道影堂紀德碑并敘

沙門良說撰

篆

門人比邱貴道篆額并書 馮惟政鄭重逸等镌

言立所以理宏象達所以真取功大者必書迹于金石名至盡者是流美于無窮外作元教之藩隍內盡塵勞之起動代獄

之下 禪師一人字空九 禪師諱智力俗姓馮長安人也祖考

季父皆從容爵位鳴玉拖紳婦為邵王妃寔與元宗近

唐永貞元年十二月八日

每優遊宮禁飛息

字空六

帝聞久視元年

禪師方踰

龍遇安和上

則天太后之師也因隨落髮住西明寺未

冠而

氣自高又以地隣黃屋衆所宿許任以典綱開元八

豪

年始爲歎惋念捨榮族思去豪逸則魚畏網以深鱗鳥驚弦

疑

而上翼迺步履河朔錯仰幾敵聞米陸山有天竺道人可三

百餘歲不以波泛塗阻北面師之謔受本源琢磨宗向繁疑

頓泣猶商秋之卷霄真性自凝譬黃金之陶冶与到次山明

禪師俱爲門下後太史占曰東北海中望見一燈邦之寶也

國詔范陽節度安公專使詢訪以數所在爰

島

濟

見僧徒甚多避俗秘鋒聿求既濟故時人莫之覩也具以表

搖

聞尋制移居到次先師造明禪師洎禪師皆出化人膏
腴品物或□限有遠近殊績有疎密智顗及師於思大多聞
迴席於欽光而禪師拜首明公猶孔堂之顏氏也明公
獨之到次禪師偏留都□廣資擅福拯給往來殆廿年庶
隣投刃復屆百丈山峭險幽陰嚴隆猛噬風雨晦難縣弃居
人禪師深入定門嘿通元境毒龍□之窺顧材□無以
怪宮晚年又搖錫中山州伯張南宮待以安仁之禮一門趨
敬四部逢迎皂素所以星馳軒綬由而波委恩以□利封而
淨性亡欲求長而大道望永泰初卜選荒閑有終焉之計遂
次耆翁山之朝陽實恒岫之南趾孤衆嶺以迥出秀萬木而

靈

遐映□翅前向羣峰北嶠 禪師徘徊全之謂期頤之宅也
而開鑿巖穴剪夷梗塞傾巨坎以補塋發地甃而危簷砌五
間佛殿列三世尊容於澤盡土木之奇彩塑換丹青之壯載
肯堂宇為演法之場漸熙礪礪廣經行之地涿泉泌於石上
靈地突於林下清風旋環白雲滿室固胎聖之原藪也因所
修掘得古代銘云北齊天保年之舊伽藍日月緬焉荆榛茂
曠非 禪師冥感嘉應孰能舉茲沉迹山南十里置供養
招提石堪忍精苦者四十餘人播穀藝桑躬行墾闢同一衣
以寒暑共一飯而晝夜勤倦不以宣訢黷青剝之慙色由是
上下康濟暄靜均立故成德軍節度李公昫而邀之偉其勝

鞭

行 禪師亟辭耄疾願託林泉大_麻九年為申寺額

戲

勅日慧炬仍度僧一十人掃灑守護於戲功未半興化緣俄
盡即以其年十二月八日奄歸大寂春秋八十六僧夏五十
七四輩行長天_人慟哭十一年十二月八日達塔茶毗歸以
終禮 禪師自少捨家擯遑出要身戒心惠是所羈縻涕

羈

道德為宗繩杖慈仁為規憲且_體無緩速_匱拘頓漸之門理
對 絕中邊嚙繫有空之教對六塵而不動逆八風以安然一食

對

精麈迄將五紀脇非到席過六十年故所_歷之邦侯王鄭重
宰官貴俗尤見欽承若朗鑒之孤懸等洪鐘之虛受而影登
垂夕神用清英却掃深松冲融不撓是以還源之日草木聲

露

悲焚燎之辰山川黯色所居南麓無故自南兩霞白光一道
終七非夫采探七覺研會三禪其孰能若此者乎門人寺主
僧道生上座僧□實都維那道暉僧惠海无優道滿等稟教
一期誓終九仞筌黃輔佐良有勲焉豈謂甘露中傾舟人遽
棄空長五內徒碑百身俱追歿後之勤共荷生前之誨續揚
大業倍益崇成自火疊推遷已多霜捻衣不戒有食無異他
全故師之晟轍守遺轍而不廢者諸徒之力也比□師貴道俗
姓馬氏常山人也幼入山門獨有確焉之志早從禪師律偏懷
方外之情義則由裏孝因天性博聞強識衆所高之一伴孤
峰三□餘載迹稀塵俗心用規謀仍紹經營不違晝夜必躬

峰

俾

後過半是修俾後事之有今續前芳而不墜者律師之故也
近與同流計議建影堂一口貞先師容止寫存致門生巖然
面南左右引翼依帟本質若雲外之飛來歸師學徒似林中
之化出曩時利往盡圖方丈之間舊日威儀威象簷楹之下
一以報 大師之恩德一以旌休烈之可觀律師恐滄海
為山劫燼經行之靈厯陽成水風飄金地之塵拂余小才式
陳大略良說以聖開之暇曾願工文再奉所求則從三請其
詞曰 渭川浩々秦嶺峩々抱茲勝氣以生禪那孤舟
瀛海□到米際為無上道靈々經過迴錫岳陽嘿之林樹手
按伽藍心灰動慮棟梁道教天人後喻能事未終奄此字
焉四

斯去有後匡繼□□輟平密咽聲不墜前功華堂粉迹更
自尊容門生列武畫與真同寐：精廬察：松月雲變四時
素風驚八節余念：以非昔鳥□□而聲別鴻休與縈籥俱春
陶大名共陶鈞無啟

永貞元年歲次乙酉十二月景申朔八日癸卯建

輓

倪氏輓文二

長八寸四分廣四寸厚一寸二分正書兩端各四字則一字獨反丈二輓同出陳鑑

永貞元年

歲次乙酉

一

永貞元年

十二月葬

倪

乙酉為德宗貞元二十一年是年正月帝崩順宗即位
八月立皇太子為皇帝自稱太上皇改元永貞明年正
月太上皇崩改元元和倪氏以十二月葬故書永貞也

裴承章墓誌銘

方一尺二寸三分二十三行行二十三十四字不等
字徑四五分正書石原在陝西今藏閬縣陳氏

唐裴氏子墓誌銘

并序

祕書省校書郎于方撰

夏

有唐故侍御史裴公諱琚知京北饋餉時夏州連帥韓全義

焉

以王命討淮夷不剋歸鎮

德宗期孟明於異日釋而

不問疑懼之甚而意端公焉遂有青蠅之間白圭成玷貞元

十七年竟貶崖州澄邁縣尉至廿年十一月終于南海明年

靈輅北歸至襄陽夫人史氏在焉我之出也有一子曰承章

聰勤遊藝稍敏工文幼學之年迨成人矣而志慕賢才心尚

善道人之所保不居過地可謂令子矣年十八娶扶風竇氏
父瑞余之後祖姑之子七歲以孝廉登名太常文詞學業
衣冠名表而四十五十遽歸泉裏孤女藐然歸于承章之事
親也孜孜孝敬親之念承章也慈愛六過至於跬步之間
不見不得去年端公凶訃遠到襄陽承章哀號幾滅天性
將奔迎焉親以其怯弱懼其毀也訛而不許及護靈車由
東洛將歸京師在路遘疾若輒而未遽其友也至永甯竟終
焉春秋廿矣殆及屬續精神分明辭母別妻意緒哀恨所謂
天難忱命靡忱善人而友顏子其如斯乎太夫人哀念愈
痛晝夜叫呼殆將不勝以元和元年四月將柩至城其年十

一月廿六日歸葬于城南陪先父之塋禮也雖其未祿功
德不被於人而施於有正孝友已及於親戚於此傷悼彌
可以銘乃作銘曰

積善之家必有余慶端公之仁有子之令其令維何孝悌恭
和孝悌而友天命如何佳城鬱々松栢森羅年々孤月空此
經過

承章父裴琚為韓全義所間敗死災荒於史無攷宰相
世系表裴氏亦無琚名韓全義以夏綏銀宥節度為淮
西行營招討使討吳少誠潰退帝不知其敗尋還夏州
事具本傳撰人于方于頔子元和中祕書丞誌繫銜校

書郎時猶未轉丞也端公當是琚字

李世三娘墓誌

方一尺七分十五行行十五
字字體六分正書首行楷寫

維唐元和三年歲次戊子隴西李世三娘之墓

大世三娘小字汧國時年十七即景皇帝之後夫鄭

王亮之孫曾祖孟聿祖翼父高以其年五月十六日遘疾

旬日終於尊賢里之家室傷其一身幼喪慈父孝不展情長

適未遑人奄婦泉壤嗚乎命至此耶枉之致耶茫誰測杳

雞聞卜曰有期婦奉吳阻以其月十九日葬于伊水之西用

祔外兄楊泛之墓若神而見知幽魂有託生為秦晉沒也豈

佳珠何必虛充冥誓於契詞曰

唐元和三年五月十九日

世娘

禮初過笄 年未及嫁 空懷婦德 一齊花先省
卜宅伊西 將為長夜 一幼女無依 遂隣泉舍
不失其親 一存沒姻亞 懷谷慮變 魁石於下

誌稱世三孀為景皇帝之後大鄭王亮之孫曾祖孟犖
云云宗室世系表大鄭王房不載孟犖以下名按鄭王
亮子二神通神符傳言神通十一子表止見十人神符
七子表止見五人則固有就逸者已生未許字歿祔外
兄楊泛之墓託為冥婚此風於唐為甚故碑誌數見展
作展幼作幼慈作慈適作適皆繆

陳夫人獨孤氏墓誌銘

方一尺二寸十九行
二十字每行五分正書

唐故隴西獨孤夫人銘
蓋字一
寸正書

大唐故河南府戶曹參軍陳府君夫人河內縣君隴西獨孤

氏墓誌銘
并序

前太僕少卿知東都少府少監事陳訥撰

夫人貞懿皇后從父之妹開元初左羽林大將軍諱禕之親
姪孫祖左衛郎將知巡諱珣祖母博陵崔氏故兵部侍郎敷
禮之姪女美容貞能治家亦謂鸞巢麟趾之貴符代蓋時之
族與僕
相門親懿三重稠疊更盛迭貴亦謂煒燁哉

年

夫人父諱楚贈工部侍郎性仁孝信智與僕相善如弟如兄
共祈余長子故朝散大夫河南府戶曹叅軍諸為夫人之仇
讎生一子二女夫人以元和四年八月十四日寢疾卒于恭
安之里第享年六十有六長女□弟生亦極養歿亦崇喪貼
曹求財以充凶事以十月廿四日合祔於邛山東原禮也嗚
呼兼余子貳之戚嗣親之悲聞之者感傷見之者殞淚悲哉
悲哉親塗車之宿進痛總幕之晨征丹旌飄風縞素盈野其
銘曰

太虛漫漫 有死有生 莫不歎逝 飲恨吞聲 浮休之
世 彭殤亦一 千變萬化 歸于其室 泉門永開

有入無出

石陳諸妻獨孤氏墓誌銘與諸誌前同出土撰者陳沛
夫人之君舅也誌云夫人貞懿皇后從父之妹唐書后
妃傳代宗貴妃獨孤氏大厯十年薨追號皇后從貞懿
是也云開元初左羽林大將軍諱禕之親姪孫祖左衛
郎將知巡諱珣父楚贈工部侍郎敘家世而首及其從
祖猶後魏韓顯宗誌第四妻故鄆州刺史昌平侯孫元
明之叔女而不及其父蓋舉顯者以表門第耳禕珍楚
史皆無攷云祖母博陵崔氏故兵部侍郎敷禮之姪女
崔敷禮太宗朝中書舍人四遷兵部侍郎永徽間官太

子少師同中書門下三品_卒贈開府儀同三司并州大

都督謚曰昭誌繫街偏舉兵部侍郎何融新書貞懿皇

后傳云失其何所人舊書后傳載常袞哀辭溯后家世

曰元魏戚藩周隋帝后又曰肇啟皇運光膺文母謂高

祖之母元貞皇后獨孤氏也后父周太保衛國公獨孤

信傳言雲中人祖俟尼和平中_{魏文成}徙鎮武川因家

焉_{此武川與魏地志荆州北清郡武川縣有別北清}

_{郡武川縣之武川在今河南陽縣北而信傳云父庫}

_{者為領民酋長北州武川在北明矣地誌未詳存俟細攷}

長女周明敬后第四女_{元貞}皇后第七女隋

文獻后戚族之盛自古未有貞懿為其族裔不應無燭_族

稽可稽而史失之何歟此誌亦不詳夫人家貫惟以隴

西表之而元和姓纂及通志氏族略俱不言獨孤有隴

西一望以意會之隋有獨孤稽者史言本姓李父屯從

齊神武與周師戰敗為獨孤姓所擒給使信家賜姓獨

孤氏李望隴西夫人豈稽之後歟若然則貞懿亦為稽

裔於唐有同姓之嫌當時諱其所自出後故不可考歟

又夫人父楚楚據誌即貞懿之叔而舊書后傳言大厯初

后寵遇無雙以恩澤官其叔卓少府監新書楚不與焉

殆貞懿從父不僅楚也

孫庭林等題名

方一尺二寸六分十八行行十至十四字不等
字徑四分至六分不等正書在京師瑞午橋家

樂安郡孫馬將開府儀同三司試太常卿兼左金吾衛大將
軍上柱國樂安郡開國公孫素朱亡父雲麾將軍注智婆高
氏三前任□州兵馬使孫興國四孫紫華五兄□□魏州馬
軍大將懷真身馬軍輔□□□行左金吾衛大將軍負外
置□□□兼試殿中監樂安縣開國公□□一十五百戶孫
庭林

李朱妻李氏興國妻馬氏□華妻王氏懷真妻郭氏庭林張
氏李朱男九陵懷玉□璧懷幹興國男惠達惠□□清芬奴

黑子美子石頭百憶庭林男光□□□光義光□孫男万德
万□万勝□子

元和四年十一月十八日

石刻多不成字敘街名庭亂無緒村豎所為不足論也

修禪道場碑

元和六年十一月十二日 卒 歲春一百六

額題修禪道場碑銘 六字篆書原注失載

陳朝崇之

字

及隋建國清

國清字

灑掃大師之

舊居

字感應緣

迹我在別傳

緣字

昔如來乘一大

事

因緣菩薩

一大字

以授南嶽

思大師

思字

以上八字其以文不可辨据天台山古

旁注於旁今損本均尚有之非泐也

旁施萬

物

旁誤

南巖亭記

唐崖高二尺五寸廣一尺七寸餘左行十七行
行二十四字字徑九分正書有行體在英德

南巖亭記

隴西李蕃撰

湏之陽因以謚邑邑以定四封之位巖峙邑之南故又謚之
抵望公門園黃不迷得曰奠乎為江之右許汭所經得曰
邃乎而綿歷年代寔漠蕪沒泉元和七正 邑長侯君亭巖

年
為故書君著其名伯昭其字先三祀始至鑒拔眾識勝不能
隱具以民懷姬煦姑務富庶故未暇經構及是日三載後百
工休乃興佐曹唱和其事且曰民和序成我懷澡靈繇是拊

清白俸成林壑境與人共之雖四十里古不為廣矧不廣乎

唐元和七年正月

融眇

民飽其德耻後陳力况用悅使先程告成彼觀舞之行綴知
德□薄厚孰若□衆之就功明人之樂康繇迹蹟遠理可徵
矣□□□花□□□宿煙是方戴陽周歲造鮮春卉布茵
夏木如_{缺下}驚浪步不勞趾情捐多累四時流目一無違□噫
□□融結几千萬祀豈無他眇莫先我視天之所置信將有
歸歸無其私惟智自得不然何不隔耳目而一日倅我緬彼
謝公東山右軍蘭亭向微二公亦為樵藪因人而大今古同
途蕃也旅人目遊勝槩將無紀述如筆硯何至若政餘而成
亭亭成而節喜是事之藩翰故不書□亦非文為意也聊□
漏□□□之不漏佳境云

唐英州南巖亭記并到難篇李蕃撰不著書人名氏洵

陽縣南山巖上有石室縣令侯著因之以立亭故以為

名

集古
錄目

右南巖亭記歐陽公嘗著其目王象之輿地紀勝亦載

勝亦

之本朝金石家皆未蒐錄阮文達輯廣東通志稱其
已佚而不知巖石非比碑版易就堙毀爬蘿剔蘚承事
者之所憚遂云佚耳侯著李蕃皆無攷

魏府狄梁公祠堂碑

闕下少半截存高五尺六寸廣四尺三寸二十七行行六十字今存三十五字至三十八字不等字徑一寸五分正書在大名

大唐魏闕下

朝議郎行尚書虞部貲外郎上柱國馮宿下闕在標題下

上闕等州節度副使朝議大夫檢校太子左庶子兼御闕下

后不可以獨臨必誕生嶽靈扶既傾繫將絕茲梁國狄

公是以興於天授之朝蘊沉謀奮奇節也物不可以終否必

繼起邦傑欽往績懋來功茲

沂國田公是以挺乎河朔之郊荆新祠修舊典也初梁

唐元和七年

公出牧于魏實宜斯人因遂乞留則深道愛閩境同力生祠
其神畏威懷仁如在乎上祈恩徼福

亦若有谷洎胡起幽陵毒痛中邦腥羶遺餘漸清昭俗六十
率于茲矣戰血滿野忠魂歸天階祀之容隱嶠猶在元和士
辰歲

我天子恢拓千古之不庭凡在率土罔不來服惟元侯
保和一心之有衆舉茲列城表正多方歸職貢而奉官司尊
漢儀而東周禮鳳鳴而臬音革蘭芳

而棘刺死醴湧而盜泉竭慶飛而濁稷消四郊廓清萬戶丕
變筮後辯正封疆咨謀耄老得是舊址作為新祠鳩材集功

藏事頒役上下有度東西惟序披圖

以立儀像據品以昭命數不僭不偏經之營之越十月五日

厥功成

沂國公於是乎請護軍

迨賓僚將校虎貔之羣

撰吉而致饗焉先一日執事設次於

門西設柔毛翰音臠肥鮮橐之具以俟詰朝公至則改服于

次率護軍等升拜將校已下序

拜於堂下公親酌以奠揚解

而言曰昔者

皇風中微陰沴

勃興六宮弄其神器

萬乘遜于房陵生人之耳目盡

迴元老之肺肝殄固蹈履

武尾奮

鯨口雖除蔓草扶持忠

賢元良克正萬國居貞祕策潛授五

潛

王起包復夏之大業於心術貽安劉之永圖於身後再造

唐室時維梁公顧不腆之是羞獲守斯土實羣帥與
三軍之衆逮封內之黎老勤請於

天王天王重違斯人而鑒厥誠未及浹辰而

璽書金

印命朕瑞節一日駢至且又頒非常之

清問下莫大

之

洪澤馬逐逐車闐闐野接

跡空駕肩彼感心與喜氣固已翔九天而涉九
遠闡屋思有上報竊慕神之志義景神之忠功薦神於此堂
吉辰良日以微慙陳告至於修廢繼絕興仁樹
職烏敢爲名再拜而退由是六州之人士知
狄公之

崇德可享而

田公斯言可復也詩云維其有之是以似

之乃作銘曰

奕奕新祠于魏之疆巖巖

梁公惠此一方其惠伊何其

人則亾在昔通天契丹猖狂衝陷

連域勢莫與亢山東繹騷

胎藉犬羊順是都會孰能保障

天后召公飛傳靡遑至自彭

澤此

爲金湯以逸待勞以柔摧

剛緩賦寬役勉農勸桑外示無

虞內爲之防虜則引歸歲獲

大穰人荷公來踴躍歡康人惜公遽

涕泣徬徨援刀割膚守

闕上章終然莫克詎可弭忘

衆志城城經始斯堂立公儀形薦

此嘗香於此祝之萬壽無

疆於以歌之久久垂芳追惟

我公寔邦之良政寔有聞金玉其相學以時習聞然日彰文

武是經謨謀允臧測圭知正函鼎難量碩大博厚靖和端莊

遠使絕域義聲孔揚居憂致感有烏

呈祥毗于大理決獄平當五解龍鱗驟探武狼西門沉巫沒

直開倉蜀守興學晉臣撫牀公兼有之塞塞在旁宣威中權

論道上庠慰厲幽仄懷來暴強天授

以還燎火無充藹藹本枝困於斧斨下室人願上迴天網拜

洛受圖非劉而王后實當展唐遷

於房時維

□□□□□□□□□□

正色中激剛鵬娑娑佐謀將易

儲皇公陳不可校短

推長血漚太階心祈彼蒼長戈

倒日勁草橫霜一柱巖然四

維重張

帝拜元老春歸少陽潛安爪牙密布棟梁

七日寢疾五賢興

唐道優三仁功茂一匡始終

無懷夷夏所望維此魏

邦實維樂康燕寇之後中為戰場何

人不鰥靡室不喪祠宇煨燼階除墟荒故老懷思遺罔慨慷

猶依封畝時奠壺觴否道既傾

元和御宸

聖歷會昌

天子垂裳九夷八蠻山梯海航禮備樂陳執贄奉璋思我懷

人寡彼周行是生

沂公忠順

激昂創久埋獄雖能處囊

道言惜惜武烈洗洗業尚管蕭化臻

龔黃掃除霏霏吊恤灾傷尾斷蜂蟄苗鋤莠稂萬夫歸誠有
死無將

天子嘉之需澤瀼瀼龍節虎旗玉珮金璫班其慶賜覃及潛
翔沂公滋恭扶服兢惶愧負山嶽誓酬毫芒乃建新祠
媿彼甘棠航其廈屋繚以周牆吉顯

山羞容衛兩廂仰止何遠中心是藏地迴沙麓河袍衡漳刻
勒豐碑揭手中央

右魏府狄梁公祠堂碑馮宿文每行下闕二十餘字據

全唐文補之未知石果斷闕抑搨未全也書者節度副
使佚其名碑云沂國田公勗新祠修舊典元和壬辰歲
十月五日厥功成壬辰為元和七年沂國田公田宏正
也宏正本名興為魏博節度田季安兵馬使封沂國公
是年八月季安卒軍亂士卒擁興為留後十月興舉六
州版籍請吏於朝憲宗從李絳言即拜興節度使又遣
知制誥裴度宣慰賚其軍錢百五十萬繼六州給復一
年舊書憲宗紀魏博三軍舉田興事以十月乙未上聞
甲辰即授興節度碑云未及浹辰置書金印命服瑞節
一日駢至又頒非常之清問下莫大之洪澤皆紀實也

既典興又請除副貳詔以胡証兼御史中丞充魏博節度
副使仍兼左庶子見証本傳此與書碑之副使結銜合
于司直天下金石志謂為胡証書信然已馮宿兩書亦
有傳其轉虞部都官二員外郎正在元和年間書法規
仿魯公蹈履武尾遂探武狼皆避虎作武而龍節虎旗
直書虎字偶失檢也碑當立於七年十一月以後蓋裴
度之宣慰賜錢胡証之為副使皆十一月事也畿輔通
志作元和七年十月未加耳失考是全唐文載是碑兩是以
字三四皆作是已六十季五行作十六醴涌慶飛七作甘
醴涌慶雲飛序拜於堂下九序作敘遜於房陵十作遜

於羅川舊魚

口

口

行作攘奪鯨口王起行一起上多奮

字重違斯人

此字奪一字也

行

二

違作題且又頒行十二作於是又頒今

所以靡違甯屈

行十三

無以字又此行依全唐文有六十

四字碑通體皆六十字不知何句為多終然莫克

行十七

莫作不衆志城

城

字本當作

上城

作衆心欲成毗于大理

十九

毗作毗下室人願

行二十

室作適此行后上空五格

以全碑例度之唐上亦當空五格時維下當是梁公梁

上當空二格公下當有四字一句又二字連屬正色為

句全唐文竟作時維正色辭義不貫必有闕文也

後謀二行嬰二行嬰二行作二行嬰伊七日寢疾五賢興二行寢作變

賢作月掃除霏霏

五行

作氛侵扶服兢惶

五行

扶作俯

吉闕

羞容衛兩廂

五行

羞作羞容容衛作羽衛識

此以備校勘者取焉

又碑云梁公出牧於魏罔遂乞留闔境同力生祠其神

按金石錄有狄梁公生祠記李邕撰張廷珪珪八分書開

元十年十一月未得拓本石

不知

猶在大名否

鼓山北響堂寺崔某題名

高一尺六寸廣九寸可辨者三行
行字不一字徑一寸二分正書

太子通事舍人博陵崔

泐下

元和八年四月廿九日

泐下

□遊而過

泐後

鼓山響堂寺有二在山南者為南響堂寺屬直隸磁州

山北為北響堂寺屬河南武安此刻在北

唐元和八年四月廿九日

高承金墓誌銘

高一尺四寸廣一尺三寸五分二十一
行行二十一字字徑五分正書

唐故左千牛衛長史渤海高公合祔墓誌銘 并序

鄉貢進士李說復撰 并書

維元和八年冬十一月九日戊午左千牛衛長史高氏捐館
舍于磁州立義里第春秋四百四十五甲子巷之居人輟春
相吊越三日庚申殯於阼階明月景申塋我公于昭義縣臨
水鄉之西原近先君塋順我公之孝心禮也公諱承金字承
金渤海人也齊文宣帝都鄴子孫食邑於臨水遂從家焉周
衰齊主夏盟高子實為宗卿元氏併擾天命文宣爰革魏正

唐元和八年正月某日

歸

彬

霸王之後宜乎甚盛父祥克勤素□不墜清修養□園之和
以高尚為事笑子張之干祿鄙甯戚之飯牛好爵莫得而縻
焉故天鍾美于我公公幼而□□長而貞固以刀筆為吏文
而無害攻書劍之術謀而有伐郡以聞拜朝散郎左衛兵
曹遷左千牛衛長史以富貴為憂告歸中歲嘉止之之念養
老工庠清齋以齊其心蔬食以樂其道故降年有永德音無
瑕夫人武功蕪氏賢明淑慎君子好仇窈窕幽閑大邦之媛
先公六年而歿至是祔焉有子懷彬蘭州廣武府果毅尉心
泣血喪致其哀追養繼孝葬之以禮懼岸谷將化咨說復為
銘詞曰

石鼓聳兮銅臺平 漳河曲兮滏水清

歲 高標固壠九原上 千秋萬歲識佳城

高承金高齊之裔文宣都鄴子孫食邑臨水遂家焉承
金葬於昭義縣臨水鄉昭義縣為永泰初置臨水鄉即臨水故
縣置自魏黃初三年廢於後周建德六年故高氏食邑
臨水為縣而承金葬時則為鄉也昭義縣宋省入滏陽
明又有滏陽入磁州石出土當在磁州西北境承金官
左千牛衛長史唐六典後魏有千牛衛備身本掌乘輿
御刀取莊子庖丁解數千牛而刀刃刀若新發穀於硯此意言此
刀可以備身因以名官北齊統於左右領將軍隋改左

右備身郎將一人直齋二人統之唐改左右千牛府龍
朔二年改為左_右奉寵衛神龍元年改為左右千牛衛
長史各一人從六品上承金子懷彬蘭州廣武府果毅
新書地理志蘭州有府二曰金城廣武即_此

慧炬寺再修題名

高一尺四寸廣七寸七行行字不一
不一字徑六分八分不等正書在曲陽

維大唐元和九年歲次甲午三月己酉朔廿二日庚午邑人

存修 古慧炬寺

□主僧元清 僧常省 沙弥雲豐 童子智深 張馬件

孫良晟 □ □ 焦 □ 新 □ □ 寶 □ 趙滿 張 □

趙 □ 郭宏 宋土仙光朝進 孫 □ 賀 □

興 高 □ □ 林廣 □

勛末行

唐元和九年三月廿二日

唐州長史劉密夫人崔氏誌銘

方一尺五寸六分二厘十六行行二十八字第五行多一字
字徑四分正書篆蓋九字三分

唐故夫人崔氏墓誌銘

篆蓋九字三分
字徑一寸五分

唐朝請大夫唐州長史兼監察御史彭城劉公故夫人崔氏

墓誌銘 并序

外甥鄉貢進士辛勛撰

夫人博陵崔氏實勛之從母其先則齊太公之允泱泱大風
表式東海慶鍾後嗣錫壤于崔因為氏焉簪組相承名光族
茂二十七代祖峯封汶陽侯家于涿郡漢桓帝時改為博陵
郡至十一代祖慤為燕秘書丞生八子分為六房 姨即第

唐元和九年十月六日

景

五房魏本郡功曹景異之後曾祖穆皇恒州井陘縣令祖元
續皇左衛兵曹參軍皆貫綜道德窮達理要孝興宗皇大理
評事行潔政清敦學尚書禮定視儀之則著纂述之功希世之
才非常所及 姨即評事之仲女容工言行克備于躬閨範
內脩芳聲外積自歸乎劉氏已二十餘年如堦如麓既保成
家之道以敬以奉當申齊體之宜劉公名密積襲衣冠門爲
世重即皇朝進士出身授秘書省秘書郎道積之曾孫皇開
府儀同三司行太子賓客上柱國滕國公贈涼州大都督
之仲子歷官唐州長史兼監察御史雅量深沉英姿挺特位
以公進名由德昇崇禮讓之風守謙恭之節接衆尚尔於家

虧鞠

懷

固然繼繼同心彼規此佩誰謂吉凶反此積善生灾蓮疾纏綿方藥無効顧西景之猶未忽東流之與俱遽分幽明倏變哀樂天也何昧喪淑于茲以元和九年六月十八日終于襄陽郡之私第春秋四十有七親戚悲慟行路驚歎即以其年十月六日建塋于郡東八里漢陰之原禮也有子二人長曰可復次曰宏復皆稟性冲和幼有成德詩書立志孝行居心執喪毀容哀過其制有女三人長即劬之季弟勸之室劉公前夫人齊氏所生早虧所恃鞠育於繼親既習女儀又蒙婦道膏資內訓得如是焉處室二女並齒亂之年已傳令淑痛乖慈念殆不勝哀劬忝列外甥實佩恩德追懷同及痛割難

任輒申愚鄙之詞恭命以述其誌銘曰

謂聰明正直兮惟神無私何吉凶報應兮今則有違仁德既
崇兮福當依榮壽不延兮禍反歸寒郊慘兮日色微輜車駕
兮旌旄飛孤墳晝掩兮永絕光暉哀哀孝子兮泣血霑衣宿

漢

馭還兮人亦稀漢水縈迴兮峴山巍巍

右劉密夫人崔氏誌與密誌同於光緒八年四月襄陽

府城東十里康家埂出土時母舅徐星甫轉餉秦隴駐

襄陽手招以寄先大夫比達太倉先大夫棄養已

兩旬矣而母舅亦以是年十月卒於差次今檢故篋仲

紙錄之不勝悲愴新書世系表崔懿五子連琨格邈殊

又三子怡、豹、侶為一房，號六房。誌稱夫人先世為第五房，是殊之後表，不悉載也。密誌云：曾祖道積，終襄州樂鄉縣令；祖希順，終祕書省祕書郎；考榮，終澤州刺史。此誌稱密為祕書省祕書郎，道積曾孫，開府儀同三司行太子賓客上柱國滕國公□之仲子，室其名不書。蓋即榮也。敘曾祖及父而不及祖，又以希順之祕書郎屬之道積，而榮階勲爵，贈密誌曾不一及其官。澤州刺史又為此誌所遺，多不可解。誌無書人名，博作博佩作佩毀作數旌作旌，於六書形聲殊為夢夢。

張頴彌勒像讚

高九寸五分廣一尺一寸五分十三行行十七字
至二十字不等字徑五分正書在東平州吼山

大唐故節度隨軍宣德郎試大理司直權知齊州司馬清河
張府君彌勒像讚文并序

夫善而能固者莫若於山堅而不可窮者莫若佛雖冲虛同
測終相好可觀

府君諱頴字頴令嗣三人伯曰元贊仲曰元質季曰元實痛
松楸之戀感陵谷之□遂徵訪奇工鑄磬彌勒佛一鋪於考
訖瑩西北山之巔山名吼山也每泣涕數劬勞則昔賢何足
加尚因旌厥善而為讚焉

唐元和十年四月

峨峨萬重 □天之力 鑿山為佛 佛号弥勒
曙霞昭彰 嵐煙拂拭 敬之敬之 永為登陟
元和十年歲在乙未四月 日建

清河孟

勣下